



FARG‘ONA VILOYATI FARG‘ONA TUMANI HOKIMINING QARORI

2025-yil 8-yanvar

16-11-163-Q/25

Farg‘ona tumani hokimligi

O‘zbekiston Respublikasi Prezidentining 2024-yil 2-dekabrda “Bolalar masalalari bo‘yicha komissiyalar faoliyatining samaradorligini oshirish chora-tadbirlari to‘g‘risida”gi PF-201-son Farmoni asosida qabul qilingan viloyat hokimining 2024-yil 11-dekabrda 665-11-0-Q/24-sonli qarori ijrosi to‘g‘risida

Bolalar huquqlari, erkinliklari va qonuniy manfaatlarini ishonchli himoya qilishda manzilli va samarali chora-tadbirlarni belgilash, bolalar sog‘lig‘ini saqlash, salomatligini tiklash, ta’limga jalb etish, kasbga yo‘naltirish, ularni mustaqil hayotga tayyorlash, ijtimoiy-huquqiy himoya qilish hamda vatanparvarlik ruhida tarbiyalash ishlarini amalga oshirishda idoralararo hamkorlik va hisobdorlik tizimini yo‘lga qo‘yish, shuningdek, bolalar masalalari bo‘yicha komissiyalar faoliyatining huquqiy asoslarini takomillashtirishga qaratilgan O‘zbekiston Respublikasi Prezidentining 2024-yil 2-dekabrda PF-201-son Farmoni asosida qabul qilingan viloyat hokimining 2024-yil 11-dekabrda 665-11-0-Q/24-sonli qarori ijrosini ta’minlash maqsadida,

QAROR QILAMAN:

1. O‘zbekiston Respublikasi Prezidentining “Bolalar masalalari bo‘yicha komissiyalar faoliyatining samaradorligini oshirish chora-tadbirlari to‘g‘risida”gi 2024-yil 2-dekabr kuni PF-201-son farmoni asosida qabul qilingan viloyat hokimining 2024-yil 11-dekabrda 665-11-0-Q/24-sonli qarori rahbarlik va ijro uchun qabul qilinsin.

2. Mazkur farmon bilan quyidagilar:

Bolalar masalalari bo‘yicha milliy komissiyaning yangilangan tarkibi 1-ilovaga muvofiq;

Bolalar masalalari bo‘yicha Qoraqalpog‘iston Respublikasi, viloyatlar, Toshkent shahri va tuman (shahar) komissiyalarining namunaviy tarkiblari 2- va 3-ilovalarga muvofiq tasdiqlanganligi;

Ijtimoiy himoya milliy agentligi, uning Qoraqalpog‘iston Respublikasi, viloyatlar va Toshkent shahri boshqarmalari hamda tuman (shahar) “Inson” ijtimoiy xizmatlar markazlari

tegishli Bolalar masalalari bo'yicha milliy komissiya va hududiy komissiyalarning ishchi organi vazifasini bajaradi. Bunda, Milliy gvardiyaga komissiyalar ishchi organlariga komissiyalar yig'ilishlarini o'tkazish, komissiyalar faoliyati uchun zarur axborotlarni to'plash va tahlil qilishda ko'maklashish vazifasi yuklatilganligi;

bolalar masalalari bo'yicha komissiyalar o'z vakolatiga kiradigan masalalar yuzasidan har chorakda kamida bir marta yig'ilish o'tkazishi;

bolalar masalalari bo'yicha komissiyalarning bola huquqlari, erkinliklari va qonuniy manfaatlarini ta'minlashga qaratilgan takliflari davlat organlari va tashkilotlari tomonidan majburiy tartibda ko'rib chiqilishi;

bolalar masalalari bo'yicha komissiyalar o'z yig'ilishlarida davlat organlari va tashkilotlari rahbarlarining komissiya faoliyatiga doir masalalar bo'yicha axborotlarini eshitib borishi, shuningdek, vakolatlari doirasiga kiruvchi masalalar yuzasidan davlat organlari, shu jumladan, huquqni muhofaza qiluvchi organlarni jalb qilishi;

Inson huquqlari bo'yicha O'zbekiston Respublika Milliy markazi tomonidan Bola huquqlari to'g'risidagi konvensiya talablari bo'yicha Birlashgan Millatlar Tashkilotiga taqdim etish uchun tayyorlangan hisobot hamda Birlashgan Millatlar Tashkiloti ustav va shartnomaviy organlarining ushbu hisobotni ko'rib chiqish yakunlari bo'yicha berilgan taklif va tavsiyalari Bolalar masalalari bo'yicha milliy komissiya majlislarida dastlabki tarzda ko'rib chiqilishi va yakuni bo'yicha tegishli tavsiyalar berilishi;

bolalar masalalari bo'yicha komissiyalarning ishchi organlari o'rtasidagi vazifalar taqsimoti tegishli komissiya raisi tomonidan belgilanishi ma'lumot uchun qabul qilinsin.

3. Farg'ona tumani Bolalar masalalari bo'yicha komissiyasi tarkibi 1-ilovaga muvofiq.

4. Farg'ona tumani Bolalar masalalari bo'yicha komissiyaning asosiy vazifalari etib quyidagilar belgilansin:

bolalarning huquqlari, erkinliklari va qonuniy manfaatlarini amalda ro'yobga chiqarish, ularning jismoniy, intellektual, ma'naviy hamda axloqiy jihatdan kamol topishiga, qobiliyati va iste'dodini to'liq namoyon etishiga ko'maklashish bo'yicha chora-tadbirlarni muvofiqlashtirish;

bolalarning huquqlari, erkinliklari va qonuniy manfaatlarini himoya qilish borasida bajarilayotgan ishlarni tizimli tahlil qilish, baholash va samaradorligini oshirish bo'yicha chora-tadbirlarni amalga oshirish;

ijtimoiy yetimlikning oldini olish va bolalarning ustuvor ravishda oila muhitida o'sib-ulg'ayishini ta'minlash maqsadida bolalarni oilaga tarbiyaga berish bo'yicha ko'rilayotgan chora-tadbirlar va tarbiyaga berish tizimining samaradorligini tahlil qilish hamda ushbu tizimni takomillashtirish bo'yicha takliflar kiritib borish;

sifatli ta'lim-tarbiya jarayonini tashkil etish, bolalarga chuqur bilim berish, ularning bilim, malaka va ko'nikmalarini shakllantirish bo'yicha davlat organlari tomonidan amalga

oshirilayotgan ishlarni muntazam tahlil qilib borish hamda ta'lim olishiga to'sqinlik qilayotgan omillarni bartaraf etish yuzasidan ta'sirchan choralarni belgilash;

“Xavfsiz maktab” tizimi keng joriy etilishiga qaratilgan va maktablarda axloqiy-psixologik muhitni yaxshilash bo'yicha dasturlar amalga oshirilishi holatini tahlil qilib borish;

bolalarning bo'sh vaqtini mazmunli tashkil etish, ularni sport bilan muntazam shug'ullanishga jalb etish, ayniqsa, qishloq va chekka hududlarda bolalar sportini yanada rivojlantirish bo'yicha amalga oshirilayotgan ishlar natijasini muhokama qilib borish;

alohida ta'lim ehtiyojlari bo'lgan bolalarni inklyuziv ta'limga jalb qilish, tibbiy- ijtimoiy reabilitatsiya qilish va jamiyatga integratsiyasini ta'minlash bo'yicha ko'rilayotgan choralar samaradorligini baholash;

bolalarni vatanparvarlikka undaydigan ta'lim-tarbiya samaradorligini, vatanparvarlik va Vatanga sadoqat hissini yuksaltirish bo'yicha ko'rilayotgan choralar ta'sirchanligini oshirish;

bolalar salomatligini asrash, ularga sifatli tibbiy yordam ko'rsatish, ular orasida sog'lom turmush tarzini va to'g'ri ovqatlanishni yo'lga qo'yish, ta'lim tashkilotlarida bolalarning oziq-ovqat ta'minoti, ularning sifati va sanitariya holatini o'rganib borish va yaxshilash bo'yicha zarur choralarni ko'rish;

bolalarda huquqbuzarliklarga qarshi immunitetni shakllantirish, ular orasida huquqbuzarlik, nazoratsizlik va g'ayriijtimoiy xatti-harakatlarning, shuningdek, bolalar ekspluatatsiyasi, ularga nisbatan zo'rvonlikning oldini olish va ularning reabilitatsiyasini ta'minlash bo'yicha amalga oshirilayotgan ishlar holatini tahlil qilish va ular samaradorligini oshirish choralarni ko'rish;

bolalar o'rtasida spirtli ichimliklar, giyohvandlik vositalari va psixotrop moddalarni iste'mol qilish yoki boshqa salbiy illatlarni erta bosqichlarda aniqlash, davolash va tibbiy-ijtimoiy reabilitatsiya qilish bo'yicha amalga oshirilayotgan ishlarni tahlil qilish va ularning yechimi bo'yicha takliflar tayyorlash;

ijtimoiy himoyaga muhtoj bolalarni qo'llab-quvvatlash, ularni ijtimoiy-huquqiy himoya qilish borasida amalga oshirilayotgan chora-tadbirlar samaradorligini baholab borish va ularni yanada takomillashtirish bo'yicha takliflarni ko'rib chiqish;

bolalar bilan ishlash tizimidagi kamchiliklar, ularning sabab va shart-sharoitlarini aniqlash, tahlil qilish hamda bartaraf etish bo'yicha takliflar ishlab chiqish;

davlat organlari va tashkilotlarining, bolalar masalalari bo'yicha hududiy komissiyalarning bolalarning huquqlari, erkinliklari va qonuniy manfaatlarini himoya qilish sohasidagi faoliyatini muvofiqlashtirish.

5. Farg'ona tumani hokimligi Axborot xizmati (A.Ergashev), “Vodil yog'dusi” gazetasi muharriri mazkur farmonning mazmun-mohiyatini keng ommaga yetkazish hamda O'zbekiston Respublikasi Prezidentining ushbu sohaga oid farmon va qarorlari ijrosi

yuzasidan tumanda amalga oshirilayotgan ishlar, fuqarolar uchun yangi yaratilayotgan imkoniyatlar yuzasidan targʻibot ishlarini tashkil etish tavsiya etilsin.

6. Fargʻona viloyati hokimining 2021-yil 23-avgustdagi “O‘zbekiston Respublikasi Prezidentining 2021-yil 9-avgustdagi PF-6275-son farmoni to‘g‘risida”gi 62-1 l-0-Q/21-son qaroriga 3-ilovaga muvofiq o‘zgartirishlar kiritilganlidi ma‘lumot uchun qabul qilinsin.

7.O‘zbekiston Respublikasi Prezidentining “Bolalar masalalari bo‘yicha komissiyalar faoliyatining samaradorligini oshirish chora-tadbirlari to‘g‘risida”gi 2024-yil 2-dekabr kungi Pf-201-son farmoni ijrosini samarali tashkil qilishga mas‘ul va shaxsiy javobgar etib Fargʻona tumani hokimining o‘rinbosari I.Toshpo‘latov, “Inson” ijtimoiy xizmatlar markazi direktori U.Yuldashev, Milliy gvardiya hududiy boshqarmasining tuman umumiy o‘rta ta’lim maktablari bo‘yicha katta inspektor- psixologi Ya.Jumaboyevlar belgilansin.

8. Mazkur qarorning ijrosini nazorat qilishni o‘z zimnamda qoldiraman.

Tuman hokimi v.v.b



**ABDURAXIMOV
OTABEK.NEMATOVICH**

Fargʻona tuman hokimining
2025-yil 8-yanvardagi
16-11-163-Q/25-son qaroriga
1-ilova

Bolalar masalalari boʻyicha tuman komissiyasining

NAMUNAVIY TARKIBI

1.	X.Inomov	-	Tuman hokimi, Komissiya raisi
2.	U.Yuldashev	-	Tuman “Inson” ijtimoiy xizmatlar markazi direktori, Komissiya raisi oʻrinbosari
3.	J.Xasanov	-	Tuman ichki ishlar boʻlimi boshligʻi, Komissiya raisi oʻrinbosari
4.	Sh.Yuldashev	-	Tuman maktabgacha va maktab taʼlimi boʻlimi boshligʻi
5.	Ya.Jumaboyev	-	Milliy gvardiya hududiy boshqarmasining tuman umumiy oʻrta taʼlim maktablari boʻyicha katta inspektor- psixologi
6.	X.Toshboyev	-	Tuman tibbiyot birlashmasi boshligʻi
7.	N.Sobirov	-	Tuman kambagʻallikni qisqartirish va bandlikka koʻmaklashish boʻlimi boshligʻi
8.	X.Abdugʻaniyeva	-	Tuman hokimining oʻrinbosari - tuman oila va xotin-qizlar boʻlimi boshligʻi
9.	D.Xomidov	-	Oʻzbekiston mahallalari uyushmasining tuman boʻlimi rahbari
10.	M.Abdullayev	-	Tuman madaniyat boʻlimi boshligʻi
11.	M.Alijonov	-	Tuman yoshlar ishlari boʻlimi boshligʻi
12.	A.Yusupov	-	Tuman iqtisodiyot va moliya boʻlimi boshligʻi
13.	X.Ashurov	-	Tuman bosh imom-xatibi
14.	B.Boboqulov	-	Tuman prokurori
15.	B.Moʻminov	-	tuman mudofaa ishlari boʻlimi boshligʻi
16.	Sh.Mukarramov	-	tuman hokimligi mutaxassisi, Komissiya kotibi